

'O CORE E NA FEMMENA

Siente

si parlamme nun amma alluccà
ponne credere ca ce stamme a ce appiccecà
Jamme, sti penziere tu le 'a cancellà
e 'a ragione se trova sempe si 'a vuò truvà
nun perdimmo nata serata sulo a parlà
nun 'o vire ca io me sò 'nnammurato già

Ah, io te voglio vasà
senza manco penzà, ca putisse pazzià
cu 'o core e na femmena
sì, famme primme 'mpazzì
e pò 'a doppe murì
comme more na femmena
tu sì 'o ddoce inte all'acqua 'e mare
cu sti mane me faie tuccà
tutt'e nuvole dinte 'o cielo senza vulà

Ah, quanno stongo cu ttè
io me sento nu Rrè pecché tu sì pe' mmè 'a cchiù bella d'e
femmene

Cu nu vase famme stà zitta
Miette 'o cielo comme cuperte
E facimme nu lietto 'e stelle pe' mme e pe' ttè

Viene,
scinne 'e scale te voglio purtà
ce stà nu fiore e na fenestella 'e tant'anne fà
ca ce vene chi è 'nnammurato e se vò spusà

ca se sonne cu ll'uocchie apierte
nun te scetà

Ah, io te voglio vasà
senza manco penzà, ca putisse pazzià
cu 'o core e na femmena
sì, famme primme 'mpazzì e pò 'a doppe murì
comme more na femmena
tu sì 'o ddoce inte all'acqua 'e mare, cu sti mane me faie
tuccà
tutt'e nuvole dinte 'o cielo senza vulà

Tu me pigli, m'astrigne, me sciuoglie 'e capille, io me faccio
spuglià

S'è fermato cu nuie pure 'a luna
Pecché sta nuttata nun addà passà

Ah, io te voglio vasà
senza manco penzà, ca putisse pazzià
cu 'o core e na femmena
sì, famme
primme 'mpazzì e pò 'a doppe murì
comme more na femmena
cu nu vase
famme stà zitta

Miette 'o cielo comme cuperte
E facimme
Nu lietto 'e stelle pe' 'mme e pe' 'ttè
Cu nu vase famme stà zitta
Miette 'o cielo comme cuperte
E facimme
Nu lietto 'e stelle pe' 'mmè e pe' 'ttè.